

## Mohd Amirul Kasyful Nur bin Zulkifli

---

**From:** UUM CORPORATE COMM.  
**Sent:** 10 Julai 2021 9:55  
**To:** UUM - All Staff; UUM - All Students  
**Subject:** Moratorium Automatik Kepada Staf Mulai Ogos



**UUM Corporate Comm.**  
**Universiti Utara Malaysia**

10 JULAI 2021 / 29 ZULKAEDAH 1442H  
=====

"UUM : UNIVERSITI PENGURUSAN TERKEMUKA"  
(THE EMINENT MANAGEMENT UNIVERSITY)

Oleh: Siti Fatimah Abdullah dan Nordiana Shafiee  
Gambar oleh: Shamsaimi Ezil

### MORATORIUM AUTOMATIK KEPADA STAF MULAI OGOS



**UUM ONLINE:** YAB Perdana Menteri telah mengumumkan pelaksanaan moratorium bayaran balik pinjaman bank kepada semua peminjam individu, sama ada dari golongan B40, M40 atau T20 dan usahawan mikro semasa pembentangan pelan bantuan baharu dikenali sebagai pakej Perlindungan Rakyat dan Pemulihan Ekonomi (PEMULIH) pada Jun lalu.

Selari dengan usaha kerajaan itu, Universiti Utara Malaysia (UUM) turut mengambil inisiatif untuk meringankan beban staf melalui pemberian moratorium buat kali kedua secara automatik sebagai jalan keluar dari kemelut pandemik yang belum berakhir ini.

Naib Canselor, Prof. Dato' Dr. Ahmad Bashawir berkata, UUM amat prihatin terhadap nasib staf yang terkesan akibat pandemik Covid-19 itu dan pihak universiti komited menjaga kebajikan dengan sebaiknya.

“Saya sentiasa mendengar keluh-kesah dan memahami kebimbangan yang dirasakan oleh staf ketika ini. Pihak pengurusan UUM sentiasa berusaha dan berikhtiar mencari jalan bagi membantu meringankan beban staf di musim pandemik.

“Sehubungan itu, UUM mengambil langkah melaksanakan moratorium pinjaman kepada staf yang terlibat mulai Ogos depan sehingga Disember 2021 secara automatik tanpa perlu ada dokumen sokongan untuk kelulusan,” katanya.

Kali pertama moratorium diberikan pada April hingga September tahun lalu dan tahun ini merupakan kali yang kedua akan dilaksanakan.

Naib Canselor berkata, moratorium ini adalah bagi tiga jenis pinjaman iaitu komputer, kenderaan dan perumahan di bawah Skim UUM.

Menurutnya, beliau berharap inisiatif moratorium ini sedikit sebanyak membantu peminjam dalam kalangan staf untuk menguruskan aliran tunai mereka semasa tempoh yang mencabar ini.

Katanya, UUM bertekad akan terus memberikan khidmat terbaik kepada staf yang dikasihi dan terus berjuang setiap masa, meskipun dalam limitasi bagi memastikan kampus berada pada landasan pemulihan yang tepat dan kebajikan terus terbela.

Sebarang pertanyaan lanjut berkenaan moratorium, boleh hubungi Penolong Bendahari Kanan, Nikmal Muzal Mohd Muhaiyuddin di talian 04-928 3209 / 019-570 7200 atau e-mel [nikmal@uum.edu.my](mailto:nikmal@uum.edu.my)

Sementara itu, dalam usaha membantu kerajaan melancarkan program vaksinasi bagi mencapai imuniti kelompok, UUM bersedia untuk dijadikan Pusat Pemberian Vaksin (PPV) Institusi Pendidikan Tinggi (IPT) dalam Program Imunisasi COVID-19 Kebangsaan (PICK).

Prof. Dato' Dr. Ahmad Bashawir berkata, universiti sedia memberi kerjasama sepenuhnya dalam menjayakan PICK yang diumumkan untuk menyediakan akses yang lebih banyak dan baik kepada rakyat untuk divaksin.

**UUM**  
CORPORATE COMM.

☎ 04-928 3039/3040/3097/3042/3052/3048/3049  
☎ 04-928 3053  
✉ ukkuum@uum.edu.my  
📍 Universiti Utara Malaysia (Official FB)



Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.